

F. D. G.

SPECIMEN ACADEMICUM,

DE

**INSUFFICIENTIA  
RELIGIONIS  
NATURALIS,**

CUJUS

PARTEM PRIOREM,

*Consent. Ampliss. Facult. Philos. in Reg. Acad. Aboënsi,*

PRÆSIDE,

MAXIME REVERENDO atque CELEBERRIMO VIRO

D: NO **C A R O L O  
MESTERTON,**

S. S. Theol. Doct. Log. & Metaph. PROF. Reg. & Ord.

*Publicæ Candidorum censuræ defert,*

**FABIANUS GESTRINIUS,** Sal. Fil.

WIBURGENSIS.

Die XVII. Octobris Anni MDCCLXI.

IN AUDITORIO MAJORI.

H. A. M. C.

---

A B O Æ,

Impress. JOH. CHRISTOPH. FRENCKELL.

S:Æ R:Æ MAJ:TIS  
SUMMÆ FIDEI VIRO,  
ILLUSTRISSIMO *atque* CELSISSIMO  
Libero BARONI ac HEROI,  
**D:NO FABIANO**  
**W R E D E.**

REGIS REGNIQUE SVIO-GOTHICI SENATORI,  
ORDINUM REGIONUM EQUITI  
ET COMMENDATORI.

MECENATI GRATIOSISSIM.

**I**gnosce MÆCENAS Summe, quod in devotissimæ  
venerationis documentum pagellas hasce, rudi Mi-  
nerva elaboratas, CELSISSIMO NOMINI  
Tuo dicare audeam. Obstupestit animus meus veneratione,  
quoties cultus, quem dignitati meritisque tuis de-  
beo memorsum; quotiesque favorem Tuum inclytum,  
beneficiaque Tua prælustria parentibus meis dilectissi-  
mis mihiq[ue] nullo non tempore collata perpendo: horum  
enim jam in primis incunabulis, in eo, quod baptismi  
mei Honorabilis esse volueris Testis, me participem fe-  
cisti. Unde dissertationem hanc cur CELSISSIMO  
NOMINI Tuо consecrare ausussem, ratio est in  
promtu. Supplex igitur ~~oro~~, vile hoc munus, in per-  
petuam & immortalem beneficiorum Tuorum memori-  
am; felix quidem munus hocce, sed ego felicissimus, si  
gratiosissimo vultu hoc adspecturus propensissimaque ma-  
nu suscepturnus sis; atque me in clientela tua habeas,  
qui pro tua & Illustrissimæ Familiae Tuæ salute, quoad  
vixerò, indefessas preces fundere non desistam: per-  
mansurus

## ILLUSTRISSIMÆ EXCELLENTIÆ TUÆ

devotissimus eius

FABIANUS GESTRINIUS.

GENEROSSISSIMO VIRO,  
D: NO OTT. GUST.  
W R E D E.

LIBERO BARONI de Willickala & Anjala.  
Centurioni maxime Strenuo.

DOMINO BENIGNISSIMO.

Plura omnino majoraque benevolentiae Tuæ in me  
meosque existere documenta, quam verba ido-  
nea apud me inveniuntur, quibus satis digne illa de-  
prædicare possim. Quid? quod, tot tantaquæ, GE-  
NEROSSISSIME BARO, Tua fuerunt beneficia erga me,  
ut nulla unquam dies, nulla temporum vetustas,  
nec casus ullus, neque fortuna oblivione ea delere  
potuerit. Suscipe igitur fronte placida, *Patrone*  
*Optime*, in tesseram animi gratissimi pignusque re-  
verentiae nunquam desituae, munusculum hocce  
chartaceum; atque finas me posthac benevolentiae  
Tuæ ut hucusque participem fieri; qui pro tua tuo-  
rumque penenni flore vota fundam calidissima, sem-  
per permanfurus

GENEROSSISSIMI NOMINIS TUI

cultor devotissimus

FABIANUS GESTRINIUS.

Plurimum Reverendo atque Clarissimo VIRO,

D: NO SALOMONI  
GESTRINIO,

SACELLANO & vice PASTORI Ecclesiarum, quæ DEO  
in Elimæ & Anjala Colliguntur, longe meritissimo.

PARENTI INDULGENTISSIMO.

**Q**uanto perfundar gaudio, cum tandem exoptatissimus  
ille eluxit dies, quo Paternum Tuum amorem fa-  
voremque nullo non tempore mibi præstatum, publice de-  
predicare audeam, verbis exprimere non possum. Tot  
tantaque parens Indulgentissima sunt Paterna merita  
in me, quot quantaque Filius unquam a parente exopta-  
re potest. Nam post DEum Tu mibi vitam dedisti, Tu  
mibi alimenta præstasti necessaria, Tu me litteras mo-  
resque docuisti. Hæc & alia Tua beneficia vere Pa-  
terna, quibus omnibus me non satis digne prædicandis  
nendum compensandis parem esse puto, alijssime fixa sunt  
in gratissimo pectore. Interea præsentes lucubrationses A-  
cademicas qualescumque tibi in pignus nunquam mori-  
turæ venerationis trado. De cetero DEum affidue implo-  
rabo, velit Tuam, Mi Parens, etatem adhuc multum  
temporis prorigare, ut Tui, cum liberi, tum auditores,  
de Patre & Pastore desideratissimo quam diutissime gau-  
dere queant. Sic votet, qui ad ultimum vitæ halitum  
permansurus est

PARENTIS SUI INDULGENTISSIMI

filius obedientissimus  
FABIANUS GESTRINIUS.


Promissum Recipiendo quidam Cuiuslibet ARIO  
D. SALOMONI  
GESTRINO.  
SOCIETATIS q. sive PASCHORI Eccllesiastici deo DEO  
in Gloriis & gloriis, iuste testimoniis  
PARVITIS INDULGENTISSIMO.

Rom. II : 14, 15.

ὅταν γὰρ ἔσται τὸ μὲν νόμον ἔχοντα φύσει τὰ τοῦ νόμου  
ποιῆι, τοτὲ νόμον μὴ ἔχοντας, εἴσοις εἰσοις νόμοις. Οἵτινες ἐν-  
δέπει τὸ νόμον τὸν γέγονον τοῦ πατέρος σὺ ταῖς καρδίαις αὐτῶν;  
επαρθεὶς αὐτῶν τῆς συνειδήσεως, καὶ μεταξὺ ἀλλήλων  
κατηλόργων κατηλόργεον (καὶ αὐτίστα πάντας γέγονον τοῦ)

PARVENTIS EST INDULGENTISSIMI

PARVITIS INDULGENTISSIMI  
SANCTI VIBIANI GESTRINUS.



## PROOEMIUM.



Inde a primis mundi incunabulis per  
continuam seculorum seriem ad no-  
stra usque tempora uti evidentissi-  
ma ita & tristissima exstiterunt ex-  
empla, quæ dementiam generis nostri non uno aut al-  
tero, sed multiplici exhibent modo. Nam adeo corru-  
ptum atque vesania sua fascinatum est, genus nostrum  
ut, felicitatem ex intimo pectore anhelans, eandem  
vitiis potius, quam virtutibus sectandis, adsequi ad-  
nitatur; & quamvis sana ratio atque revelatio Di-  
vinitus nobis concessa nebulosa & procellosis tem-  
pestatibus, mirum quantum, infuscata hæc tempora  
serenare semper allaboraverint; tanta tamen hæc  
mortalium fuit perversitas, ut conjurato quasi fu-  
rore vique maxime tyrannica oculorum suorum a-  
ciem obtundere non erubescerent, atque duo hæc  
lumina potius extincta, quam vesanam suam li-  
centiam præcisam vellent. Ast quemadmodum o-

A

mnia

mnia, quæ hoc absolvunt universum, variis atque  
 continuis mutationum vicissitudinibus sunt obno-  
 xia, ita & singula secula suis non destituuntur cha-  
 racteribus, quibus a se invicem dignoscuntur, &  
 quod nunquam satis deplorari potest, accrescente  
 mundi ætate hominum accrescit malitia, quæ non  
 potest non miseriam augere temporum. Inter ce-  
 tera, quæ annorum constituunt seriem, præsens  
 nostrum seculum, in multis felix, sed in plurimis  
 maxime infaustum, eminet &c, ne primum sibi  
 vindicet locum, haud immerito vereor. Tot enim  
 hoc ævum protulit monstra hominum, ut ubique  
 spectris oculi feriantur nostri. Et quamvis nem-  
 ném, modo non utrisque lippiverit oculis, existi-  
 maverim fore, qui hoc gratis dictum arbitretur;  
 tamen vel quibusdam tantum verbis thesin stabili-  
 re nostram non pigebit, ne nimis iactabundis ver-  
 bis, ut plerumque fieri solet, nostrum efferamus,  
 seculum. Tantum abest ut animus mihi sit omni-  
 um malorum, quibus humanæ hocce tempore, ve-  
 xantur res, perstringere farragines, ut potius vel  
 brevissimis tantum attingam quantum naturalismus  
 præsens deformat: seculum. Non nego naturalismum  
 iam multis seculis ante fautores habuisse suos,  
 qui clam vario modo rerum Christianarum succes-  
 sum impedierant; sed uti infinita alia sectarum  
 genera hisce temporibus capita sua ad orbem Chri-  
 stianum dolendum in modum infestandum extulisse,  
 ita & naturalismum numerosissima familia, mon-  
 strosaque farmatorum phalange cavernis prolepera-  
 ge.

stygialibus, non sine tremore videmus. Non enim hodie clandestino armorum crepitu sanctissimam nostram adoriuntur religionem, sed scriptis publicis rationibusque vesane corrasis vitium hoc cerebri laborantis prodere temerario agressi sunt ausu una cum antesignanis suis Fransisco Puccio, Edvardo Herberto de Cherbury, qui archidux horum balatronum summ o cum jure habetur, Matthæo Tindalio, Johanne Bodino, Tolando, Petro Chauvino, & qui sunt ceteri ejusdem furfuris. Ad horum castra defendenda nostris temporibus non unus aut alter sed plures catervatim, nescio quibus incantationibus seducti, fese contulerunt. Duplicis imprimis generis hi sunt homunciones, quidam enim necessitatem atque valorem meriti Christi non tantum admittunt, verum etiam urgent, sed notitiam hujus meriti non esse necessariam existimant; contendunt enim omnes, Deum rite ex ratione cognoscentes & colentes vi meriti Christi, quantumvis incogniti, salvatum iri. Quidam vicissim tam necessitatem quam existentiam meriti Christi prorsus tollunt, hoc est totam religionem Christianam subvertere volunt, arbitrantes solam religionem naturalem sufficere ad salvandos homines, poenitentiamque Justitiae Divinæ, per peccata commissa & omissa infinitum in modum lœsæ, facere quod satis est. Cfr. Schiub. instit. Th. Pol. Part. I: mam Cap. 3. §. 5. Utraque harum sententiarum cum sanis rationis principiis, quibus veritas innititur & inconcusfa, immo plane immota manet, inimicissimis dimi-

cat cornibus, quod etjam a viris, tam virtutis ac doctrina morum quam profunda philosophiae veræ peritia maxime conspicuis satis superque evictum est; adeo ut quædam ulteriora fudoris libamina horum versipellium sophismatibus refellendis offerre si non frustraneum, saltim minus necessarium videatur: ast quum hi neurospastæ maxima cum impudentia eandem semper recoquere cramben non erubescant atque multitudo eorum indies magis magisque accrescat haud a re alienum visum est mihi, ut specimen quoddam Academicum editurus, in quantum vires juveniles & angusta mea supellex permittunt *insufficientiam religionis naturalis* in hominibus salvandis breviter sed vividis atque nervosis delineem argumentis; quod ut tanto majore animi excipias candore, Benevole Lector spero fore, quanto certius est, te Religionis Christianæ partibus non fucato favere animo, ingemescereque indies increscente naturalismo, quo ceu macie infernali Religionem nostram sanctissimam jam extabescere atque turbari summopere dolemus. Summopere, inquam, dolemus, nam religione Christiana nihil origine Divinus, nihil felicitate præstantius, nihilque solatio svavius & abundantius mortalibus in hoc miseriarum theatro datum est. Male religioni nostræ quam provida Numinis cura etiam post hac, ut hucusque sartam tectamque conservet, consulunt naturalistæ, sed multo pejus sibi ipsis, quibus tandem rationem veritatis oblatæ, sed gratis, non minus quam vesane spretæ, reddendam esse certocertius novimus.

## §. I.

**T**otum hoc stupendum atque artificioccissimum universum actualitate non a se ipso, sed per manum Divinam creatricem indutum esse, & conservante eodem numine existentiam suam continuare, neminem, nisi Atheum, qui sanam mentem sibi jam penitus exuit, dubitare posse putaverim, adeo ut in hoc demonstrando diutius immorari, æque supervacaneum sit, ac a præsenti nostro instituto alienum. Ast quemadmodum ex una parte extra omnem dubitationis aleam positum est hominem ad mundum hunc, in toto suo complexu absolvendum, pertinere; ita ex altera evidentissimum est eundem a Deo quoad existentiam & existentiæ suæ continuationem ita dependere, ut si Deus vel per unicum tantum temporis momentum suam subtraheret activitatem atque vim conservandi, cito citius in prislunum suum relaberetur nihil. Porro exornavit Sapientissima Divina manus hominem intellectu & libera voluntate, ita ut non tantum bonum cognoscere, & a malo discernere, verum etiam bonum rite cognitum appetere, malum vero aversari possit, & quod maximi est momenti, ut usu harum facultatum dependentiam suam a Deo facillime agnoscere queat; in hoc enim summum consistit bonum, quod voluntas non potest non summo appetere nisi. Constat præterea ex consideratione summarum seu infinitarum Dei perfectionum, sapientiam Divinam nihil quicquam frustra facere, sed in omnibus suis actionibus sapientissimum sibi præfixum habere finem, qui in minimis maximisq; systema mun-

danum absolventibus mirifico cum splendore nostros  
 stringit oculos, adeo ut ne ille quidem, qui talpa cæ-  
 cior est, hanc rem in dubium trahere queat. Quis ita-  
 que est, qui non videat Deum concedendo homini in-  
 tellectum atque liberam voluntatem intendisse aliquid,  
 quod infinitis ejus perfectionibus maxime est dignum,  
 sed hoc nihil aliud est nec salvis Divinis perfectionibus  
 aliud esse potest, quam ut homo his sibi concessis facul-  
 tati⁹ rite utatur ad gloriam Divinam illustrandam am-  
 plificandamq; hoc est, ad Deum in rebus creatis se no-  
 bis sistentem cognoscendum, & intenſissimo amoris ad-  
 fectu colendum, quod cum agnitione dependentiae in-  
 dissolubili conjunctum est nexu. Nam in duobus hisce  
 momentis recte observandis totus insimul felicitatis ho-  
 minis, quanta quanta sit, vertitur cardo; quippe tan-  
 tum abest, ut actio humana, quæ non est conformis  
 perfectionibus Divinis, hoc est voluntati Dei, felicita-  
 tem homines promoveat augeatq; ut potius eandem ci-  
 tius serius non concutiat solum, verum etiam ex toto  
 evertat. Positis allatis simul ponuntur *tam possiblitas*  
*quam actualitas religionis naturalis* necessum est; nam  
 hæc nihil aliud est, quam certus atque determinatus  
 modus Deum rite cognitum colendi ex lumine natu-  
 ræ. Patet hinc, vel nobis non monentibus, modum  
 hunc Deum colendi solum inter homines obtinere;  
 nam bruta animantia se a Deo dependere scire nul-  
 la possunt ratione, nec illis ullam competere vide-  
 mus potentiam seu facultatem Deum cognoscendi a-  
 ctionesque suas ad voluntatem Divinam perfectissi-  
 mam componendi conformandique, sed in omnibus

phy-

physica feruntur necessitate, quæ omnem religionis tollit possibilitatem, ad quam constituendam adeo necessario tria jam commemorata requiruntur momenta, ut vel unico horum sublato, evanescat tota religio, quod unusquisque, qui vel tantillum rei præsentis pensitaverit naturam, facilissimo deprehendet negotio. Nam cognitio dependentiæ vel ideo est maxime necessaria, ne ea, quæ Deo summo debemus jure, vel nobismet ipsis vel aliis extra Deum adseramus, hoc est ne illos religioso prosequamur cultu, qui illud a nobis exigendi nullum habent jus, quia alioquin malignus etiam spiritus cultum sui a nobis postulare posset. Cognoscendum quoque est Deus, ne actionibus, quæ perfectionibus ipsius repugnant, cultum nostrum reddamus frustraneum vel potius nullum quia actionibus malis & perfectionibus Divinis adversantibus non colitur, sed blasphematur Deus, adeo ut ejusmodi cultus fictam non veram constituat religionem. Libera deniq; voluntate seu facultate actiones suas, religionem ejusq; exercitium absolventes, ad nutum Dei, ceu religionis auctoris, attemperandi præditus esse debet, qui religionis erit capax. Nam quid utilitatis nobis adfert cognitio dependentiæ & actionum, religionem constituentium, si necessitati ferreæ obnoxii foremus? certe nihil, quum omnia præter hanc necessitate naturæ ad suum finem pergerent obtinendum. Sed quid multis? hæc enim ad eo clara esse existimaverim ut non lippientes quidem, nedum illos, qui accurata mentis lance rerum pensitare naturam consueverunt, fugere queant.

Hinc quid de illorum sententia judicandum sit,  
qui

qui religionem omnem pro invento politico habent plus satis illusescit; nam licet antiquissimi legum latores, Solon, Lycurgus, Numa & alii religionem institutis suis stabiendi in multis conformaverint atque ad civitates conservandas adcommodaverint; eos tamen tanto minus religionem primum in mundum introdusisse hominibusque obtrusisse dici potest, quanto evidentius est, uti jam demonstratum ivimus, ipsam naturam hominis ita comparatam adornatamque esse a creatrice manu Divina, ut ipsa homini religionem injungat observandam. Nam qui hoc negat, simul admittat necessum est, quod Deus homini intellectum atque liberam voluntatem frustra concesserit, & demonstret religionem absolvi seu potius consistere in actionibus, quæ perfectionibus Divinis sunt plane indignæ, hoc est quod Deus vi perfectionum suarum absolute summarum nulla ratione illud ceu bonum approbare queat ut nos ipsum ceu creatorem atque conservatorem nostrum infinite bonum ac benignum rite cognoscamus & cognitum amemus devotissimaque veneremur pietate. Verbo: adstruat Deum improbare suam gloriam ab hominibus promovendam, vel quod unum idemque est, Deum negare se ipsum atque sanctissimam suam existentiam. Quod uti absurdum est dictu, ita & impium cogitat. Lemuribus certe stygiis adsimilandi sunt *Nicolaus Machiavellus & Johannes Tolandus*, qui eo processerunt audaciæ, ut contendendo religionem pro figmento cerebri humani habendam esse, omnem giganteam suam exhaustire non vererentur impudentiam; non enim tam

tam religionem quam ipsam naturam hoc furfuris sui fervore ridiculum in modum impugnare atque conculcare adnisi sunt hi homunciones.

## §. II.

**A**dstructa atque stabilita existentia religionis naturalis, prius hominem ad religionem hanc sancte & perfecte colendam obligari paucis demonstratum ibimus, quam ad ipsas ejus affectiones evolvendas nosmet accingamus. DEUS non solum est ens independens, plane infinitum nullarumque rerum extra se indigum, in quo omnes perfectiones complices quasi in vastissimo æternitatis oceano confluunt, verum etiam Creator & Conservator omnipotentissimus, qui ex liberrimo voluntatis suæ decreto hominem ex possibilitatis fasciis produxit & productum benignissime conservat, quemadmodum jam §. antecedente, quantumvis verbo, attigimus. Ocurrunt in homine, ut in reliquis rebus creatis, tria realia, quæ provida Numinis cura atque dispositione directrice nullum, ne minimum quidem momentum, carere queunt, existentia scilicet, vires agendi, & actiones. Nam quemadmodum absolute impossibile est ut efficere valeat homo ut existat; ita & nulla ratione fieri potest ut in existendo pro lubitu perennare queat, licet deistæ hoc absurdum esse non arbitrentur, sed ex perfectione rerum creatarum putant se colligere & concludere posse ad vim se ipsum conservandi. Ast si qua eiusmodi vis esset possibilis, deberet illa, ceu distincta ab ipsa existentia inesse essentiæ, atque sic

absolute necessaria, quia omnia illa prædicata, quæ  
 essentiæ competunt, ejus sunt indolis ut ~~multis~~  
~~X nullus~~ mutationibus obnoxia esse queant, unde hoc se-  
 queretur absurdum, quod res creata absoluta exi-  
 stet necessitate, hoc est, ens contigens transfor-  
 maretur in ens necessarium. Manet itaque incon-  
 ceplum existentiam hominis per solam vim Divi-  
 nam esse continuandum; sed ut res sese habet cum  
 existentia ita & cum viribus humanis agendi &  
 actionibus, ad quarum materiale quidem, non au-  
 tem formale, ut dici solet, vis Divina sustentatrix  
 concurrit, hoc est, conservat quidem DEUS vim  
 agendi, qua actio producitur, non vero determi-  
 nat hanc vim ad hanc vel illam actionem susci-  
 piendam; hæc enim determinatio seu limitatio  
 principii activi est accidens quoddam hominis, cu-  
 jus cauſsa conservatio Divina non est, quippe quæ  
 eadem habeat objecta, ac creatio, quæ circa acci-  
 dentales hominis limitationes non versatur. Conf.  
 Waller. Prænot. Theol. Part. 2. §. II. Præterea  
 non exornavit solum creatrix Divina manus ho-  
 minem existentia viribusque agendi seu facultati-  
 bus intelligendi & libere volendi, verum etiam to-  
 tum hunc vastissimum rerum oceanum eam ob-  
 cauſsam produxit atque ita adornavit conservat-  
 que, ut omnia, quæ in eo deprehenduntur, suo  
 modo ad felicitatem hominis promoveniam au-  
 gendamque omnes suas conferat vires, adeo ut  
 non tantum nosmet ipsos, verum etiam omnia &  
 singula, quæ habemus, in totum, DEO Ter Op-  
 timo

B 2

timo Maximo debemus. Ex his justa judicij tru-  
tina ponderatis luce meridiana clarius liquet DEO  
in nos competere jus plane illimitatum atque per-  
fictum, cui, ut obligatio ex parte nostra, eadem  
que perfecta, respondeat necessum est, quia illud  
sine hac ne concipi quidem, nendum existere pos-  
set. Et cur DEO non obligati simus nullam, quæ  
obstat, video rationem; nam habet homo intelle-  
ctum, quo sine ulla difficultate potest perspicere  
se DEO se ipsum omniaque sua exactissime atque  
ita debere ut DEUS pro arbitrio absque omni re-  
strictione nos resque nostras, seu rectius nobis ex  
benignitate infinita concessas commodatasque, dis-  
ponere queat; habet porro homo liberam vo-  
luntatem, qua hoc Divinum in nos jus agnosce-  
re venerarique potest. Verbo: est homo capax  
obligationis, quæ nihil aliud est, quam necessitas  
moralis ex jure superioris orta, & positis justis  
caussis obligandi, hoc est posito vero atque justo  
superiore ut in præsenti casu, ponitur hominem  
re ipsa esse obligatum actiones suas ad hujus nu-  
tum determinandi. Diximus in antecedentibus.  
DEUM esse ens perfectissimum atque independens,  
(utpote in Theologia Naturali invictissimis de-  
monstratur argumentis) eamque ob rem non pot-  
est non voluntas ipsius quoque esse perfectissima  
atque independens, quæ nullam aliam agnoscit  
volendi normam, quam ipsas suas perfectiones,  
quas non potest non approbare & ex exacta ea-  
rum convenientia summam capere voluptatem.

Nam sublata hac volendi norma DEUS ipsas suas perfectiones earundemque convenientiam improbare posset, atque sic non foret ens absolute perfectum, quod nemini, cui sanum est sinciput, arridere potest. Pleno itaque hinc sequitur alveo, quum homini vi antecedentium perfecte injunctum sit ut juri DEI faciat quod satis est, nullam eum alias liberarum actionum suarum determinandarum habere posse normam, quam perfectiones Divinas, ad quas si obligationi suæ, id est, voluntati Divinæ obliganti litare velit, totus conformandus est. Complexus perfectionum Divinarum, quantum a creatura rationali agnoscitur vocatur gloria Divina respectiva. Vid. Wall. Prænot. Theol. Part. I. §. 91. Hinc actiones suas liberas ita componere ut in omnibus cum perfectionibus Divinis convenient, nihil aliud infert, quam gloriam Divinam summo nisu omnibusque viribus promovendam intendere, quod ut homo faciat, perfecte obstrictus est. Ast quum actiones nostras liberas ad perfectiones Divinas, seu gloriam Divinam illustrandam amplificandamque conformamus, significamus hoc nos perfectiones DEI magni immo maximi facere, hoc est DEUM venerari, ejusque honorem intendere, quod idem est, ac colere DEUM. Patet itaque plus satis ex illis, quæ jam in hac §. attulimus, nobis perfecte injungi cultum DEI, eundemque perfectissimum, quippe qui in omnibus, si quidem voluntati Divinæ exactissimam hujus cum perfectionibus Divinis conformitatem immutabili-  
ter

ter exigenti, acceptus fuerit proinde cum gloria  
 Divina consummatissimam habere debet harmoniam.  
 Religio & cultus DEI in præsenti pari passu am-  
 bulant; quia hic comprehendit actus, qui per perfe-  
 ctiones Divinas, ceu motiva, determinantur, vel, ut  
 Ribovius definivit, consistit in actionibus ad quas e-  
 dendas per cognitionem DEI atque operum ipsius de-  
 terminamur, Vid. Inst. Theol. Dogm. ejus §. 93. illa  
 vero absolvitur modo DEUM colendi, qui quoque per  
 ipsas Divinas perfectiones determinatur. Ingreditur  
 itaque determinatus modus DEUM colendi ipsum cul-  
 tum DEI, quo heic non quemcunque intelligimus cul-  
 tum, sed illum solum, qui per perfectiones Divinas ex  
 lumine rationis rite cognitas est determinatus. Sed  
 ut brevibus rem expediamus nostram: fudo clarius jam  
 patere existimaverimus, nos eodem modo, quo ad DE-  
 UM colendum obstringimur, etjam ad religionem na-  
 turalem amplectendam & ad omnes singulasque eas a-  
 ctiones, quæ hæc nobis injungit, perfecto præstan-  
 das vi allatorum sine ulla limitatione obligatos esse.

## §. III.

**H**is præmissis ad *affectiones religionis nostræ deline-*  
*andas*, ut jam pergamus instituti requirit ratio.  
 Religio hæc naturalis est *universalis*, hoc est, non u-  
 num aut alterum hominem, sed omnes & singulos,  
 quotquot fuerunt, sunt & unquam futuri sunt, ad su-  
 am observantiam adstringit. Nam quum omnes a DEO  
 ceu creatore & conservatore suo uno eodemq; depen-  
 deant modo, atq; omnes iisdem facultatibus essentiali-  
 bus, obligationi non tantum locum relinquentibus,

verum etiam eandem necessario requirentibus, exor-  
 nati sint, non possunt non omnes quoque æquali ra-  
 tione huic religioni esse subjecti alioquin canon: pos-  
 tis iisdem determinantibus ponuntur eadem determi-  
 nata, non esset verus. Hinc nullus mortalium cuius-  
 cunque generis, indolis & status unquam gloriari de  
 ea re potest, quod sit exceptus ex actionibus præstan-  
 dis, quas religionis hujus rigor immutabile habet jūs  
 postulandi. Huic scilicet universalitati accedit *summæ*  
*religionis hujus conformitas & convenientia cum perfectio-*  
*nibus Divinis.* Quia ut voluntas Divina nullam aliam  
 volendi normam habere potest ob suam absolutam in-  
 dependentiam, quam perfectiones suas infinitas, uti  
 jam antea monuimus, ita nec ulla alia religio ipsi se  
 approbare quam quæ ejusmodi absolvitur actionibus,  
 quæ ex asse concordant cum summis ipsius perfectionib-  
 us. Ex asse, inquam concordant; nam si religio  
 Deo accepta in quibusdam constaret ex actionibus Di-  
 vinæ naturæ consentientibus, in quibusdam vicissim  
 eidem repugnantibus, Divina voluntas etiam in qui-  
 busdam perfectiones approbaret suas, in quibusdam  
 vero eisdem improbaret, quod ut maximam involvit  
 imperfectionem, a qua voluntas Divina est remotissi-  
 ma, ita nec unquam in Divinam voluntatem ejusmodi  
 quadrat religio, quæ prædicatis sibi invicem repugnan-  
 tibus constituitur, eamq; ob rem potius in non entium  
 numerum releganda, quam religionis nomine colen-  
 da sit. Ex accurata hac religionis naturalis conformi-  
 tate cum perfectionibus Divinis sequitur eandem quo-  
 que esse *immutabilem.* Nam quandoquidem perfec-  
 tiones

nes Divinæ ob summam esientiæ Dei immutabilitatem nullam admittunt mutationem, ita his iisdem absoluta necessitate manentibus, omnis quoque actionum cum illis conformatio immutabititer eadem manet; quia alioquin absurditates modo profligatae recurrerent contradictionemque suam exuerent naturam. Hinc non potest non fieri quin actio, vel tantillum a regula hæc immutabile exorbitans & in devios vitiorum tramites inclinans in religionem impingat, &, quum obligacionem sibi injunctam solvere aut destruere neutiquam valeat, jure Dei violato in reatum incurrat. Pone contrarium. Hoc idem esset ac si Deus in quibusdam actibus vellet declarare hominem a voluntate sua independentem, quod tam illimitato Dei juri in homines & omnimodæ hominis dependentiæ a Deo ex toto repugnat quam absolutæ voluntatis Divinæ immutabilitati maxime inimicum est. Hanc observationem, immotis omnino fundatam basibus, tanto magis impræfentiarum necessariam duximus, quanto certius constat, satisfactionis vicariæ necessitatem in summa hujus veritatis stabilitate suas desigere radices. Nam qui hæc allata sana perlustraverit mente, non poterit non summopere detestari eorum dementiam, qui contendunt Deum salvis suis perfectionibus, sine facta satisfactione peccata remittere, hoc est, illorum difformitatem atque pugnam cum sanctissimis suis perfectionibus approbare & ceu bonum quoddam agnoscere posse. Dic quæso, unde voluntas Divina absolute perfecta hanc perfectionibus suis contrariam volendi normam de duceret? forte ex cæca ignorantia perfectio-

num suarum, qua absurdius Deo, qui unico simplicissimo intellectus sui infiniti actu omnia tam possibilia, quam etiam actualia distinctissime ad æquatissimeq; contemplatur, affungi nihil omnino potest. Rationem certe humanam nunquam sibi adeo lenocinaturam fuisse vix & ne vix quidem crederem, nisi tristissima hoc argueret experientia. Ast hæc evoluta corruptione naturæ humanæ, melius in parte posteriori, ad quam hæc reservamus, ob oculos ponni possunt. In religione colenda motiva actionum eandem determinantium deducenda sunt ex perfectionibus Divinis rite cognitis, sed illa ipsa motiva, quæ vel ex perversa attributorum Divinorum cognitione vel ex alio quodemum cunq; principio deducuntur, non sunt vera, sed potius nulla, eamque ob rem tantum abest ut illæ actiones, quæ per hæc motiva suscipiuntur, religionem constituant veram, ut potius eandem penitus evertant, peccatorum augeant numerum, & DEum religiose colendum blasphemant atque justitiam ejus ad vindictam exigendam excitent.

## §. IV.

**E**volutis hisce, jam perfectionem, atq; sufficientiam religionis naturalis ut paulo attentius rimemur præcipuo quodam modo præfens nobis injungit propositum. Perfectio in genere considerata est vel essentialis vel accidentalis; hæc est consensus determinationum accidentium; unde vel nobis non monentibus patet religioni naturali in se consideratae nullam perfectionem adseri posse accidentalem; quia religio hæc est immutabilis atq; infert certum & a Divinis ex ratione rite cognitis perfectionib<sup>9</sup> determinatum modum DEum colendi, adeo ut religio hæc

hæc non possit in hoc statu quam in alio quo demum cunq;  
 casu esse perfectior & imperfectior. Sed alia est res, quan-  
 do religio hæc accipitur in concreto, h. e., quando actio-  
 nes, religionis exercitium magis, quam ipsam religionem  
 absolventes, in hoc vel illo homine magis vel minus cum  
 perfectionibus convenient Divinis. Hinc male rem a-  
 gunt suam, qui religionem naturalem in abstracto consi-  
 deratam existimant esse imperfectam & in sufficientem,  
 quum potius hæc imperfectio & insufficientia hominibus  
 adjudicanda sit, qui religionem hanc rite non colunt, nec  
 præceptis ejus servandis ob contractam impotentiam suf-  
 ficiunt. Nam hoc certe perinde foret, ac si quis cæcus,  
 seu qui oculorum lumina penitus amisit, arbitraretur fo-  
 lem ideo imperfectiorem factum esse vimq; ejus illumi-  
 nandi non sufficere mundo collustrando, quod oculos i-  
 pñ, cæcitatis tenebris ex toto involutos, jubare suo corru-  
 scante non irradiet & illuminet, quæ concludendi ratio est  
 maxime absurdæ, sed ut sol manet immutatus & in no-  
 tione sua perfectus ita & religio naturalis, quamvis ho-  
 minibus in miseria atque cætitate sua, hoc est, in defe-  
 ctu virium constitutis, non conferat salutem æternam.  
 Perfectio essentialis est consensus determinationum es-  
 sentialium; hanc perfectionem religioni naturali compe-  
 tere res loquitur ipsa, & consistit in consensu atque con-  
 formitate præceptorum, quibus hæc religio absolvitur,  
 cum perfectionibus DEI religioso cultu prosequendi, suf-  
 ficit enim hæc ad finem Divinitus intentum obtinendum,  
 hoc est, ad salutem hominibus conferendam & gloriam  
 Divinam illustrandam, modo ita ab hominibus adhibea-  
 tur ac intentio Divina atque ipsa religionis hujus interna-

natura requirit; hoc est, modo obedientia omnibus partibus absoluta & nullis vitiorum intervallis interrupta maxima minima, quæ hæc religio nobis injungit, præcepta obseruentur. Nam quemadmodum hæc Religio DEUM, qui in omnibus nonnisi optimis atque ad fines suos consequendos sufficientissimis utitur mediis, pro auctore agnoscit suo, ita & non potest non religio hæc in se & sua natura esse perfectissima & sufficientissima, ceu medium a DEO ad gloriam ipsius promovendam salutemque hominibus conferendam sapientissime constitutum. Concedimus atque summopere urgemos, ut in parte posteriori Divina favente gratia quoq; demonstraturi sumus, hanc religionem, salva essentiali ejus perfectione & sufficientia manente, hominibus corruptis non sufficere, quia hæc religio non est ex intentione Divina medium quoddam ad corruptos beandos adcommodatum, sed uti ipsa est perfecta, ita & perfectos requirit homines, corruptos vero ob neglectam observantiam vi perfectionis suæ condemnat pœnisque, unicuique delicto proportionatis, adficiendos enunciat; alioquin non esset perfecta, si scilicet hominibus, vesana peccandi licentia furentibus, indulgeret & sine præstita satisfactione parceret. Patet itaque ex his sine ulteriori disquisitione, qua ratione religio hæc naturalis, sit insufficiens atque imperfecta, nimirum non ratione auctoris, qui est DEUS perfectissimus, nec ratione determinationum suarum essentialium, quæ nunquam sibi invicem contradicunt, sed semper savissima consentiunt harmonia, nec ratione virium homini Divinitus concessarum, ut in sequenti evincemus paragraphe, sed ratione subjectorum, quæ, ob-

cor-

corruptionem propria culpa contractam, tantam perfectionis vim, quanta religio eminet naturalis, ferre non possunt. Eleganter itaque Stapher in **Grundlegung zur wahren Religion**, Erster Theil. Cap. 5. §. 1. dixit: Die natürliche Religion ist in sich selbst vollkommen / sie begreift auch alles in sich/ was zu ihrem wesen und zu ihren absicht gehöret / sie schreibt dem Menschen solche pflichten vor / das/ wenn er die selbe niemahl übertreten/ sondern allezeit auf das genaueste beobachtet hätte/ er dadurch zu einer wahren und immerwährenden glückseligkeit hätte gelangen würden / sc.

§. V.

**V**erissimus est canon: DEUS nihil facit sine ratione sufficiente, sed potius, ut in essentia sua est sapientissimus ita & actionibus suis fines intendit sapientissimos; sed qui vult finem, ut & media, quibus finis est obtainendus. velit, necessum est; quia alioquin frustraneo labore atque nisu ad finem fertur, cuius tamen nunquam compos fine mediis fieri potest. Quod ut de DEO adseratur, maxime impium est. In antecedentibus pluribus jam adstruximus voluntatem Divinam gloriam tuam illustrandam, & quod cum hoc est conjunctissimum, felicitatem hominis promovendam velle, hoc est, religionem naturalem hominibus injungere colendam, hominem quoque ad voluntati huic Divinæ satisfaciendam perfecte obstringi; sed ad impossibilia nulla datur obligatio, hoc est, si homini nullæ competenterent vel saltim nunquam competitissim vires, quibus ea præstare posset quæ Religio Naturalis ei injungit facienda & omittenda, nec homo obligatus esset

esset ad ea præstanta, quia in justum foret requirere ea, quæ vires datae seu concessae ex toto transcedunt; quippe quod et jam idem foret, ac velle finem, sed media ad eundem obtinendum necessaria respuere, quod de DEO dici nequit, ut modo observavimus. Patet itaque Deum ter Optimum Maximum homini concessisse vires suffici-  
 entissimas ad ea perfecte præstanta, que religio naturalis ab ipso summo requirit jure, hoc est, DEUM in prima crea-  
 tione non potuisse non exornare hominem sufficiente in-  
 tellectus lumine, quo sanctissimam ejus voluntatem alias  
 que infinitas ejus perfectiones facillime cognoscere po-  
 tuisset, & voluntatis rectitudine, qua nihil quidquam ap-  
 petere potuisset, quod cum sanctitate Divina & repræ-  
 sentationibus intellectus distinctis pugnaret. Nam san-  
 ctissimam voluntatem Divinam nihil quicquam appro-  
 bare posse, quam quod est perfectum seu perfectionibus  
 Divinis conveniens jam saepius diximus, ergo nec ho-  
 minem nisi perfectum producere potuit, quod non fa-  
 dum esset, si homo insufficientia virium, hoc est, malo morali  
 conspurcatus in theatrum actualium processisset. Posset veritas  
 hujus rei pluribus adstrui, sed quum brevitas proposita, ut in his  
 diutius immoremur, prohibeat, atque ipsa hæc veritas adeo cla-  
 rasit, ut ex allatis accurata scrutinii lance pensitatis unicuiq; ad  
 oculum usq; pateat, ulteriori demonstrationi supercedemus. His  
 præmissis in posteriori parte, Divino sub auspicio, religionem na-  
 turalem esse insufficientem ad salvandos homines demonstraturi  
 sumus; Interea Deo ter optimo maximo immortales agimus gra-  
 tias, quod nos, in horrenda misericarum vincula conjectos, miri-  
 fico revelationis suæ jubare collustrare mediumq; reconciliatio-  
 nis nobis patefacere voluerit Illi itaque soli sit gloria  
 in æternum!



*Eruditissimo*  
Domino AUCTORI  
AMICO SINGULARI.

Quemadmodum atras tempestates ac fævientes procellas excipit alma serenitas & post nubila Phœbus emicat, ita quoque assiduos labores in studiis tractandis dulces subsequuntur fructus. Te, Amice Optime, hoc jamjam satis comprobare quis non videt; quum hac elegantissima dissertatione maxima doctrinæ Tuæ probæ nobis das documenta Tibi igitur scandenti pulpita Phœbi, ingenii dotes præclarosque Tuos ausos jam Gratulor Præterea laureum fertum, quod Apollo Tibi reddet, dignum omnino industriae Tuæ præmium. Ex intimo denique pectore vo-  
veo, velit Summum Numen Tuis nunquam non favere coeptis.

Ita applaudere voluit  
ERLANDUS JACOBUS TORN,

*Per eximio atque Præstantissimo*  
**Domino RESPONDENTI.**

**AMICO DILECTISSIMO.**

**N**ihil fere est, quod cordatum hominem magis delectat, quam amicos suos & propinquos pro merito mactari honore. Quid igitur miri, quod hacce data occasione, meum in te affectum publica gratulatione tester, cum præter intimam, quam sancte coluimus, amicitiam, sanguinis etiam con juncti simus vinculo Gratulor itaque Tibi, Amice Dilectissime, maturos in studiis litterarum progressus, quorum primum jam edis specimen. Gratulor carissimis & honestissimis tuis Parentibus, atque cognatis honoratissimis in te gaudium maximum. Gratulor etiam mihi ut ceteros taceam, probata fidei amicum. Opto denique, dignetur summum numen tuis egregiis conatibus ita in posterum adesse ut vergant in ejus gloriam, tuum aliorum que commodum exoptatissimum. Sic vovet vobisque

**Tuus exasse**

**MAGNUS KYANDER.**

**Wiburgensis.**